



partii naleraq

11.nov 2015  
UKA2015/130

**Nunatsinni meeqqat atualinnginnerminni, perorsaanikkut inerikkiartuutaasunik qanoq iliornikkut ulluunerani tamarmik neqeroorfigineqartarnissaat pillugu apeqquteqaat aallaavigalugu oqallinnissamik siunnersuut.**

(Inatsisartunut ilaasortaq Juliane Henningsen, Inuit Ataqtigiit)

Inuit ataqtigiit inatsisartunut ilaasortaatitaasa apeqquteqaat aallaavigalugu oqallinnissamik siunnersuuteqarluni tamannalu oqaaseqarfissavarput.

Meeqqamut meeraaneq nuannersuussasoq meeraanermilu ullut puigunaatsuullutik toqqissisimanartuullutik atuutissasut qularinngivippara tamatta kissaatigissagipput.

Qujanartumillu aamma amerlasuut taamatut peroriartortinneqartarsimapput inersimasunngornerminnilu inuiaqatigiinnut nammaqataalluarlutik ineriartortitseqataasarlutik tamannalu tulluusimaarnarlunnartarpoq.

Kisiannili aamma meeqqat ilaqarput meeraanerminni ilungersunartunik inuuneqartitaallutik aqqusaartugaqarsimasut, tamannalu soorunami taamak atugaqarsimasut eqqarsaatigalugit akuersaarneqarsinnaanngilaq. Meeraanermimi ullunik pilluarfisunik atugaqarfiunissaa tamatta kissaatigilluinnarlugu oqaatigiuartaratsigu.

Meeqqanut atualinnginnermi perorsaanikkut pitsaasumik inuiaqatigiinni atugassaqtitsinissarput annertunerpaamik qulakkeerniartariaqaripput meeqquerivinni sullinneqarnikkut, angerlarsimaffeqarnikkut, sunngiffimmi ornittagaqarnikkut, atuartitaanikkut ilinniartitaanikkullu, minnerunngitsumillu tamatta peqataanitsigut meeraanerup nuannersunngortinnissaanut.

Tamakkulu pitsaasumik anguneqassappata aamma sulisinnaasut ilinniarsimanikkut malinnaatinneqartariaqarput, tassami annerusumik isumaqarnaviannngilaq meeqquerivimmut meeraq isertiinnarlugu annerusumillu ilinniarnikkut sammisassatigullu sullinnagit.

Kisianni aamma qujassutissaqarfigeeqqagut meeqquerivinni sulisut ilinniarsimannngikkaluarlutik sulilluarnermikkut inuiaqatigiinni suliassamik annertuumik kivitseqataammata, tassuna manna iluatsillugu Partii Naleqqamiit nersualaarussuppagut.

Meeqqat atuarfii eqqarsaatigissagaanni nunaqarfiillu qiviassagaanni ilaatigut atuartukilliarortut aamma atorluarneqarsinnaanerit eqqarsaatigisariaqarpoq siusinnerusumik atuarfiup iluanut pulatikkiartuarneqarsinnaanerit taamaaliornikkut aamma siusissumik meeqqap atuarfimmuut soqtiginninnerat annertusarneqarsinnaammat.

Meeqquveqarnikkut pissutsit suli annertuumik pitsanngorsagassaapput. Asserssutigalugu nunaqarferujussuit 500-it tunngaanut inullit ilaat meeqquveqanngimataluunniit soorunami taamak meeqqanut angajoqqaanullu atugassaqartitaanerput illersorneqarsinnaangilaq.

Taamaattumik meeqquveviit meeqqallu ornittagaat aningaasalersuinikkut salliutinneqartunut ilaatinneqartariaqarput.

Kommunit soorunami akisussaaffigaat tamannalu takusinnaavarput siuarsaanissami kommunit kisimik aningaasalersussallugu artoraat nalunngilarput namminersorlutik oqartussat aamma akileqataasartut kisiannili kommunit aningaasaqarnera kisiat aallaavigissagaanni suli ukiorpaalussuarni meeqquvevinnut aatsaat angummaniartoqarsinnaasoq.

Ulluni kingullerni annertuumik Qaasuitsup kommuniani meeqqanut atugassaritinneqartut meeqqat illersuisuannik saqqummiunneqartut malinnaaffigaagut, soorunami meeqqat taamak atugaqartitaanerat illersorneqarsinnaangivippoq.

Kisiannili isumaqarpugut aamma ajornartorsiutit taakkorpiaat aamma nunap sinnerani naammattugassaasut taamaattumik taamak ilungersunartigisumik meeqqanut atugassaqartitsinerput piaarnerpaamik pitsanngorsartariaqarparput meeqqanillu atornerluisarneq isumaginerluinerlu annertuumik akiorneqartariaqalerat.

Taamatut oqallissaarummur soqutiginarput qujalluta isummat saqqummiunneqartut oqaaseqarfigaagut.

Hans Enoksen